

**- SENAT –**

Broj: 01-1-151/25

Sarajevo, 29. 01. 2025. godine

Na osnovu člana 61. Zakona o visokom obrazovanju („Službene novine Kantona Sarajevo“, broj: 36/22) i člana 64., a u vezi sa članom 297. stav (1) Statuta Univerziteta u Sarajevu, Senat Univerziteta u Sarajevu je na 4. redovnoj sjednici održanoj 29. 01. 2025. godine, *daje*

AUTENTIČNO TUMAČENJE

odredbe člana 64. stav (1) tačka o) i tačka r), a u vezi sa stavom (2) člana 64. Statuta Univerziteta u Sarajevu, broj: 01-14-35-1/23 od 26. 07. 2023. godine, sa pripadajućim izmjenama i dopunama broj: 01-13-121-1/24 od 17. 07. 2024. godine

Odredbom član 297. stav (1) Statuta Univerziteta u Sarajevu broj: 01-14-35-1/23 od 26. 07. 2023. godine, sa pripadajućim izmjenama i dopunama broj: 01-13-121-1/24 od 17. 07. 2024. godine (dalje u tekstu: Statut) propisano je da obavezno i autentično tumačenje odredaba Statuta daje Senat Univerziteta u Sarajevu.

U dijelu III – Tijela Univerziteta, Poglavlja II – Senat Univerziteta, **odredbom člana 64. Statuta** kojim se regulira nadležnost Senata u stavu (1) pod tačkom o) i tačkom r) propisano je: ***Senat ima nadležnost da donosi pravila studiranja i na prijedlog članice imenuje komisije u postupku sticanja akademske titule, odnosno naučnog i umjetničkog zvanja trećeg ciklusa studija.*** Dok je stavom (2) navedenog člana propisano ***Senat Univerziteta odlučuje o akademskim pitanjima članice, kao i drugih tijela i predstavničkog tijela studenata, na njihov prijedlog ili samoinicijativno.***

Senat Univerziteta u Sarajevu, kao najviše akademsko tijelo koje odlučuje o akademskim pitanjima članica i čije su odluke konačne, može kao donosilac pravila studiranja i odluka o imenovanju komisija u postupku sticanja akademske titule, odnosno naučnog i umjetničkog zvanja trećeg ciklusa studija, od strane vijeće članica zahtijevati ponovno razmatranje pojedinih faza doktorskog studija u slučaju kada vijeće članice odbije ili ne prihvati neku od faza doktorskog studija, kao i drugim opravdanim slučajevima kada ocijeni da je za konačno odlučivanje neophodno dodatno obrazloženje.

Navedeno se naročito ogleda u okolnosti da su na snazi tri opća akata kojima su regulirana pravila studiranja trećeg ciklusa – doktorskog studija (2010, 2018 i 2024. godina), kao i da bi odluke vijeća članica i Senata Univerziteta trebale biti zasnovane na principima poticanja izvrsnosti u naučnoistraživačkom i umjetničkoistraživačkom radu, nauci i umjetnosti, odnosno podsticanja doktoranata na izvrsnost kod istraživanja, kao i omogućavanja najboljih uvjeta za njihovo napredovanje i istraživački rad.

Dakle, postupanje Senata Univerziteta u Sarajevu u okviru propisanih nadležnosti u ovim situacijama predstavlja akte kojima Senat odlučuje o radu komisija koje imenuje, odnosno kojima zauzima stav o pitanju koje je razmatrao, uključujući i utvrđivanje obaveza za tijela članice Univerziteta u Sarajevu u pogledu pripreme vršenja poslova iz njihovog djelokruga.

Autentično tumačenje predstavlja integralni dio teksta ovog Statuta, te će se primjenjivati od dana donošenja i objavit će se na internet stranici Univerziteta u Sarajevu.

Ze REKTOR

T. Zaimović
Prof. dr. Tarik Zaimović



Dostaviti:

- Članicama Univerziteta u Sarajevu
- Internet stranica
- U dokumentaciju Senata
- Arhivi